



02299

西山先生真文忠公文集卷之四十七

行狀

顯謨閣學士致仕贈龍圖閣學士開府袁公行

狀

本貫慶元府鄞縣

曾祖灼左朝議大夫尚書倉部郎中

妣石氏封恭人

祖悃贈朝奉郎

妣林氏贈安人

父文贈通議大夫

妣戴氏贈淑人

五面文集卷之四十七

公諱燮字和叔姓袁氏其先出有虞嬭姓春秋時陳大夫濤塗始見于經兩漢之世最稱賢者曰博士固司徒安晉宋迄唐人物相望至我朝而四明袁氏浸顯其譜錄可考者府君謚生本州助教志生贈太中大夫斐斐生左朝奉大夫知處州贈光祿大夫轅博極群書登嘉祐第嘗通判杭州蘇文忠公為守譚論廣辭相得歡甚公之高大夫也袁氏世學源流于此倉部登元祐第嘗守婺時蔡氏顯國其黨昔宗者慢于一州倉部以法誅之入對徽皇以清心省事安



不忘危爲獻至朝奉通議皆以篤厚醇實稱于鄉戴
淑人亦博覽圖史如古烈女生四子公其仲也公端
粹專靜得之於天生數月乳媪眞槃水其前玩視終
晷夜卧常醒然達旦五六歲讀書數過輒成誦少長
讀東漢黨錮傳拊編太息以名節自期乾道初入太
學陸先生九齡爲學錄公望其德容眸盍肅然起敬
亟親炙之而同里之賢如沈公煥楊公簡舒公璘亦
皆聚于學朝夕以道義相切磨器業日益充太平居
莊敬自將爲同舍所嚴憚暨升前廊範物以躬處事
有法士益推服淳熙辛丑第進士孝宗在御久責治

真西山文集卷之四十七

二

切有勸公對策宜謂大體已正當堅忍以俟其成公
不謂然直以意對具言大體未正與所當更張者以
是僅得丙科而言堅忍者竟爲舉首公以舍選當得
教官丞相史忠定公勉以姑爲一尉遂注江陰是歲
忠定薦士十有五人公在選中有旨審察公曰始仕
而召可乎遲次累年授生徒以供菽水江陰故兩尉
弓兵合二百人後獨置一尉弓兵亦多虛額公至盡
補之葺亭教射躬自按閱其勇銳善緝盜者遇之加
優盜輒立獲初弓兵散處閭巷至是始爲營紀律肅
整如軍伍尉舍旁有黃田港民居素樞密公以保仁

法部分之因寓火政浙西大饑提舉常平羅公點鈔
選僚吏分任振卹事而就以江陰屬公公謂經理田
野之政自一保始每保畫一圖凡田疇山水道路橋
梁寺觀之屬靡不登載而以民居分布其間某治某
業丁口老幼凡幾悉附見之合諸保爲一都之圖合
諸都爲一鄉之圖又合諸鄉爲一縣之圖可以正疆
界可以稽戶口可以起徒役可以備姦偷凡按征發
爭訟追胥之事披圖一見可決在田野爲保社在軍
旅爲伍法韓信多多益辦用是故也公首以此爲荒
政之要由是民被實惠而欺僞者無所容訖事羅公

真西山文集卷之四十七

二十一

薦于朝有旨陞擢旣又循兩資終更入都周丞相謂
當處公班列少湏三月其可公曰遲遲以待內除非
吾志也且親老得便養足矣即就汾海制屬以歸紹
熙初衆正在廷而公連遭內外艱未及用寧宗副位
始以太學正召然侍講朱公及諸名儒已次第去國
矣未幾趙丞相罷公知必不爲時所容然猶晨入學
延見生徒商確理道或謂諸生多上書議斥時事不
當誘進公不爲變迄以此論罷自是僞學之禁興而
正人無容足地矣公貧甚退處泰然久之得浙東帥
蜀再爲福建常平屬官嘗言職分無大小皆當自竭

非求人知滯訟如山第日夜繙閱凡所予奪無再愬者改秩通判贛州未上會開禧邊事作兩淮大震擾公謂海道通山東宜謹備而內地盜賊尤不可不務防趙尚書善堅帥汾海請公攝叅議官後帥傅公伯成因之公爲言備禦大畧及團結鄉兵事宜傳公壹以相屬公周眊屬邑所至按閱井井有倫嘉定初元天子既誅權臣盡起當世鴻碩召公爲宗正簿樞密院編修官權考功郎遷丞奉常時諸賢雖收召而鯁直者罕見親二年春因對言曰陛下履位之初委任賢相正士鱗集于朝人情翕然以爲太平可致而欲

直西史集卷之四十七

四

竊威權者從旁睨之彭龜年逆知其必亂天下因對顯言其姦陛下竦然開納然龜年繼以罪去而權臣根據自若群和之排斥善類積而至於無故興師幾危社稷嚮若陛下篤信龜年折於萌孽之初豈至是哉正人端士今不爲之惟陛下所用耳書曰有言逆於汝心必求諸道往者龜年所進合於道之言也今日復有指陳闕失盡心無隱者卽龜年之言也陛下追思龜年蓋嘗臨朝大息曰斯人猶在必大用之固已深知龜年之忠矣陛下此時之心卽二帝三王敬賢納諫之心也常存此心急聞剴切之言崇獎朴

古之士若龜年之効忠者接踵而至矣一龜年雖沒
衆龜年繼進何憂天下之不治哉是歲都民艱食公
又言古者制國用量入爲出今當饑饉艱危之時惟
有裁節冗費自乘輿服御至百司度府無所不節以
爲施惠之具或可以濟又論軍兵虛籍宜用孝宗獎
邵宏淵故事凡軍師有能以姦蠹來上者褒寵之不
然者擯絀之軍費省則民食寬矣因言用度當節或
恐有傷國體然民者邦之本以邦本之故少虧國體
未害也上皆嘉納之而公請外甚力知江州屬歲不
登公請于朝貸椿管錢九萬緡爲糴本告糴旁郡計

口以糴循環相因市直頓平郡仰征稅以給公謂薄
征所以來商旅益損稅額擇僚吏以董之舳艫相銜
無苛取無滯留至者大悅又謂周官弊餘居九賦之
末亦足用一端也於是窒滲漏稽餘羨用賴無乏郡
治有亭扁以節愛凡非奉稟之正者皆不取簡燕游
削交餽至事闕風教惠養則汲汲爲之大學官創福
田院居再歲畧計經用之餘緡錢猶二十七萬郡當
大江之衝而城堞不治因請悉舉爲版築費報可朝
廷患楮多錢少令沿江八郡通用鐵錢勅榜下九江
公曰此令一出銅錢將益閉藏姑緩揭榜將力言之

俄聞金陵以鐵錢二當銅錢一咸謂不便而朝廷亦弗果行人服公之先見公每謂牧守兼兵民之寄訓習師旅所不可後种世衡教射法可行始至大閱以銀爲的中者給之竟日無一焉乃合卒伍時按試第其能以賞自是中者如櫛破的常數十峒寇鴟張上命副都統劉元鼎提兵討捕公問何以平賊元鼎銳欲殄滅而實無必勝策公告之曰諸峒崖谷峻險若輕入其阻未易得志不如以重兵壓之勿與爭鋒而待其弊元鼎從公言按兵南安不與賊角來則禦之而賊果降提舉江西常平權隆興府事會朝廷新易

楮幣分遣中都官出使諸道察不如詔者帥守奉承過當稍損厥直者即真干辟公知上意本以揀弊而非欲毒民因王君棐銜命至爲請言之後兩月至臨川則聞官吏競爲發擿黥流之罪日報公嘆曰吾可不爲明主一言乎即上章具論官吏以刻核之心行苛暴之政刑罰不中民無所措手足邦本朘削深爲國家憂願詔監司郡守奉行寬大俄以都官郎召時更化六年而類綱未舉宿弊猶在上方恭已仰成公言古者大有爲之君所以根源治道者一言以蔽之曰此心之精神而已心之精神洞徹無間九州四海

靡所不蜀故書曰光被四表格于上下又曰帝光天
之下二帝之精神也曰明明我祖萬邦之君德日新
宜重光三王之精神也二帝三王終日乾乾自強不
息故能全此精神照臨天下至于今仰之陛下雖有
心仁聞而大有為之効未著願毋以寬裕溫柔自安
必以發強剛毅相濟朝夕整彙不敢荒寧以磨勵其
精神監觀古昔延訪英髦以發揮其精神日進而
不止常明而不昏則流行發見莫非精神矣其我藝祖
當寓縣分裂之際整頓乾坤如再開闢詩曰周雖舊
邦其命惟新新者精神之謂也願陛下以其祖為法

則我宋之惟新亦當常如創業之初又言帝王不可
勤訪問上首肯再三且言問則明遷司封郎官因對
言曰臣昨勸陛下勤於好問而聖訓有曰問則明退
與朝士言莫不稱歎而側聽十旬陛下之端拱淵默
猶昔也臣竊惑焉夫既知如是而明則當知反是而
開明則輝光旁燭無所不通闡則是非得失憮然不
辨或以為人主一言之失史官書之天下議之問而
不當不如勿問臣謂不然自古帝王之言豈能無失
惟得賢臣開陳正救歸於至善而已豈可畏人之譏
議而終於不問哉兼國史編修實錄檢討官明年春

遷秘書少監兼司業及秋進祭酒冬除秘書監仍兼祭酒公謂邇年士氣不振皆由本心無所興起而尸教養者有推沮無開導以故日就頹靡每延見諸生必迪以反躬切己之學常病世之學者徒知襲先儒緒言通遺經訓釋而未能自得於心不足以爲學吾心即道不做外求忠信篤實是爲道本聞者訝然有得士氣日以激昂上焉者與語斯道之本原次亦不失爲謹敕士至國有大議叩關投匭爭獻所聞始無負於天子之教育矣禁中銀器失上不忍坐主者命以錫易之公言陛下聖德如此而治效未著以臣倍

見或者君人之大節猶有可議者歟易曰大哉乾元萬物資始語曰大哉堯之爲君是故君子大之爲貴孟子曰古之人所以太過人者無他焉善推其所爲而已惟陛下恢洪志氣毋自菲薄以成大功時艱虜甚強金勢日蹙我朝屢遣使不得通言戰守無三道威聲雄畧可以決戰而後可以固守謝安相晉未嘗輕用兵也秦師奮至桓冲以根本爲憂遣兵入衛安郤之曰朝廷處分以定甲兵無闕味已定無闕之語則知講之有素備之非一日矣願陛下亟圖之九年春正月兼崇政殿說書因對條陳四事其一曰在

易之乾天行健君子以自強不息宜健而弱非天德也故君德弱則不進紀綱不張法度弱則不修號令弱則不行治內而弱則中國不尊治外而弱則夷狄不懾女真將亡無患智皆知之陛下愛惜生靈遵養時晦似未失也而揣摩迎合之徒遂欲苟於無事有言不可者則詆之曰是欲用兵耳加以是名時所甚諱則不敢復言而不知我能自奮則不戰而屈人兵我不自強而示人以弱則適以召兵安能息兵韃靼夏人自昔雄盛新興諸豪兵力亦強皆知中國之弱日夜垂涎伺隙而作竊恐兵端浸起而禍患未易

真西山卷之四十七

九

平也陛下可不法天行健磨勵精神破庸人之論以強中國之勢其二謂賞刑二柄不原乎天則朝綱弛而國勢陵願大明公道以救其弊其三謂旱蝗相仍民大饑困而長民之吏慮蠲放太多罕以實告故饑民不可勝計而惠施不能徧及晉之李雄李特初起不過流民寢盛乃能據蜀監觀往事可爲寒心我朝內帑之儲本爲凶荒備所宜止絕它費專以賑饑爲急其四謂廣謀從衆則合天心今侍從之臣所以資獻納之益也日近清光而不聞有所密訪通進一司所以達庶僚之言也虛名僅存而不聞有所規箴則

是朝廷之舉事實未嘗與天下共之也自今事關利病皆當廣咨博訪是爲至公是爲天心行此四者易於轉圜而臣猶慮未能盡行者誦諛之風未息而蒙蔽之患方深孔子曰遠佞人佞人殆而孟軻亦曰與諛誦面諛之人居國欲治得乎崇觀政宣之際此徒寔繁所以靖康之禍至大至酷今日所當深戒又言向者女真甚強中國不逮所以受禍今之鞬鞞猶女真初興時上曰亦聞鞬鞞強盛公遂言今日未皇他務且須咨訪臣下但能行此一事其効立見陛下即位之初群臣多聞玉音自爲韓侂胄所誤惟恐有錯

所以咨訪甚少上曰錯不妨乎對曰古人稱猷可替否若皆無錯則惟有猷可無否之可替矣上曰予遠汝弼汝無面從專賴臣下正救十一月權禮部侍郎陞同修國史實錄院修撰進侍講猶兼祭酒公謂人臣以經誼輔導人主非徒誦說而已因講詩二南於先王正始之本后妃輔佐之道所以自身而家自家而天下者旣敷演厥旨深寓規儆之意至列國變風有闕乎君德治道者亦委曲開陳託其義以諷十年夏四月霖雨不已公言善爲天下者當使陽制陰不當使陰干陽今淫雨爲災燕旬未止此陰盛陽微之

記也一二年來正論漸微正塗漸梗賢者潔身而去
諂諛緘默以順爲正者尚多有之豈天意哉蠢尔殘
虜敢犯王畧皆由君子道消所以召侮如此陛下必
欲國勢恢張亦惟擇夫剛毅正直不肯詭隨公論之
所屬而沈伏於下僚棲遲於遠外者拔舉而尊禮之
則精神立變誰敢侮之虜失燕徙居于汴來索歲幣
未予輒舉兵寇邊或欲以攢年歲幣輸之公謂果出
此不可以爲國矣請對具言所以不可與狀又謂用
兵一事雖治世不能免以言兵爲諱以安居爲樂變
生不虞無以禦之爲計疎矣自北方擾攘流民欲歸

附者甚衆皆拒絕之有至於殺戮多者流民之怨深
入骨髓安知虜不能激怒之使讎我乎自古善用兵
者攻其所必救彼擾吾邊疆而吾舉兵北向欲擣其
虛必解而去從而躡之腹背受敵此制勝之奇策也
不知出此而戰於境內兵氣不揚矣又安能決勝乎
上曰開禧我先用兵彼直而我曲今日虜人叛盟我
直而彼曲公對曰今日之事要在陛下剛明果斷振
作士氣上然之公復言歲幣不可與上曰却可以此
賞有功七月請對論今之刑政未明者四事國不自
重以人而重忠良布列重於九鼎姦諛並進輕於鴻

毛今自更化以來非才不用而國勢浸弱戒心遂啓者則以所用之才非真才耳似奮發而實怯懦也似多能而實寡陋也不皇皇於仁義而汲汲於榮祿也已不自重又豈能爲國重乎國人不服又豈能服夷狄乎今之儒帥固有德望巍然舉世推重者分閩瀟南未爲不用而地非切要不足以觀其施設今之忠賢亦有慷慨論事名聞夷狄者宜還天朝增重國勢而遠守支郡未究所長舍莫邪而用鉛刀弃周鼎而寶康瓠是非顛倒何以立國今日民困甚矣重以貪吏政以賄盛監司牧守更相覬遺習以成風於是昔之優裕者今凋弊矣昔之歡樂者今愁歎矣行都之建垂九十年生齒雖蕃衣食未裕蓋自楮幣更新而蓄財之多者頗耗鹽筴屢變而藏鈔之久而遽貧頻年水旱民無餘貲物貨積滯商旅不行故大家困竭而小民焦熬市井蕭條而官府匱乏勢所必至京輦之下人心不寧殆孔子所謂吾恐季孫之憂不在顯吏而在蕭牆之內也朝廷舉措人所觀瞻罪當重而輒輕禁當嚴而輒弛之皆非至公無私之道開禧用兵一時將帥扞患守城者不爲無勞事平之後乃以廢謹責之豈漢家宥李廣利赦陳湯之意夫政刑苟

明強大之隣不足畏刑政不明微弱之虜不可忽又謂當今之計當以漸圖之因舉伍員圖以散楚者與李秘困賊之謀王林開邊之策為上言謂三人者皆欲先困之而後取其功雖欲少緩而十全無失乃所以為速十一月又請對言小大之臣咸懷忠良則朝廷之勢尊邪正雜揉忠讒並進則人主之勢孤今在廷之臣惟靡曼是娛惟珍竒是好淫侈相高燕樂無節同堂合席不聞箴規赤心謀國者果如是乎賢才之於國猶禦寒之衣裘養生之穀粟汲引善類無間親踈所以報國也今推賢揚善固不為乏而挾私害正者乃或有之合於已則掩覆其大過異於已則指摘其小疵毀譽發於私情而真才不得展布赤心謀國者豈其然乎星象屢變其占為兵甚可畏也而不以為憂帝城之近剽掠公行非小故也而不以為恠早蝗之後征科如故殘民之大者而不以為非準諛貢佞媮合苟容以梯寵祿又豈赤心謀國者乎植私者衆赤心者寡人主少所憑仗其何以重朝廷乎又言王辛光州之勝可謂竒功而行賞差薄上曰賞豈可薄薄則無以激勵後人公又言自昔備禦夷狄不過防秋今則無時不至如四月犯光州是也上曰春

夏亦不可不防公言陛下但能選用赤心謀國之臣
布滿朝列日聞忠言朝無闕政夷狄自然率服上曰
卿言甚當又言陛下垂意宰屬精選才士以充之然
政事不勝其多而宰屬至於數人耳目不能徧察思
慮不能周知急則鹵莽緩則壅滯甚非所以彌縫宰
輔也願詔大臣增置掾屬廣求賢俊秉心公正者爲
之則所補多矣十一年正月天大雷電繼以飛雪公
言雷乃發聲蟄虫啓户著于月令之仲春今先期而
發已非其時矣雷陽也中國亦陽也雪陰也夷狄亦
陰也當春而雪未爲害也而你作於雷震之餘陽已發
舒而陰忽用事有夷狄侵侮中國之象豈小故哉蓋
自殘虜竄伏汴都陛下不忍遽絕仍與通好遣黎歸
附者拒而不納故此曹惟我是然而殘虜以我爲怯
糾合群怨致死於我陛下履至尊之位而見輕於垂
亡之虜辱莫大焉其可以不奮發乎書曰元首起於
起云者奮發之謂也元首奮發則國人莫不奮發矣
深懲既往之失圖回日新之功恢張綱紀振起頽惰
以伸中國之威破夷狄之膽此所謂奮發也雷雪之
變人皆以爲陰盛陽衰所致此皇天啓佑上聖欲以
剛濟柔而成以陽濟陰之功也陛下可不仰體天意

乎二月真除禮侍兼侍讀金虜侵軼西陲公進對言
蜀利害甚悉大畧欲開示大信以結並邊忠義之人
俾爲吾用則虜不能支又謂曩時戎虜去中國遠糧
運難繼故和可以久今假息之地密邇於我利苟在
焉豈其顧盟汴地四平難以立國欲奪我險要爲駐
足之地昔虜浮光襄漢駸駸至蜀觀其志非專爲歲
賜也且所以欲和者圖省費爾往年四月聘使之還
甫入吾境而犯順之虜亦以是日入難信如此和我
恃乎戍可撤乎忠義之人旣與虜爲仇彼方仇之我
則和之大拂其情倒戈反噬誰與禦之堂堂中國卑
詞厚幣謹奉畜亡之虜自示削弱誰不侮之自古立
國固有終不與虜和者石勒來聘晉焚其幣何獨今
日必欲通好乎財用未足兵力未強以通和爲戒若
非體國者究其實而言求和自我不保其徃將有無
窮之悔絕不通和事雖難辦是乃久安之策上曰卿
可謂忠直矣十二年冬時雪雖應俄頃即止公謂此
洪範庶證所謂豫常燠若者也陛下蚤朝晏罷不殉
貨色不盤遊田無逸豫之失而有逸豫之災其故何
歟以臣觀之所有逸豫者非必貨色遊畋之謂邊烽
未息戎事方殷而優游恬愉若四方無虞之日真才

未用宿弊未革浸浸焉入於頽弊之域即所謂逸豫也因言時雪未降惟陛下致誠感假庶幾亟回天意上曰朕日在禁中致禱公言古人應天以實湏要修明政事登進忠良屏去邪佞此乃應天之實又請以內帑付外庭俾任鈎考之責未幾復對論蜀關外事宜曰今春虜犯興元歷金洋以至大安我師勦之威聲震矣然大羊巧於窺覘萬一乘我少懈奪我江源順流而下不可不慮也夫藩籬嚴密彼安得以窺我根本堅壯彼安得以摧我因言蜀之急務六欲復階成和鳳之保障搜揚巴蜀之人才優大安戰功之賞

與夫教民兵防蠻患紓民力條數甚悉且謂藝祖得蜀甚難今可不思所以保蜀之策人謂國事之可憂者莫如蜀外障之難防者亦莫如蜀何者其地至遠也有才而無識者不可以為蜀帥有勇而無謀者亦不可以為蜀帥何者其任至重也奏畢反復再三上曰可見卿忠誠愛君公進讀高宗寶訓推演甚詳而上亦王音屢發其尤大者則因論進退人才之公上曰天大地大道大王亦大惟其至公所以為大論賞罰適中上曰柔而不中則為姑息剛而不中則為霸道剛柔皆得其中則為王道論趙鼎言呂頤浩過失而

上則曰此所謂言及乘輿則天子改容事關廊廟則宰相待罪又云上下之情交通則爲泰不交通則爲否若臺諫不言何由得知論擇宰相而上則曰人主擇宰相宰相擇百官爲治之要道也主好要則百事詳主好詳則百事荒其後讀續帝學至司馬康講洪範三德哲宗問只此三德爲更有德起居舍人王巖叟請書于冊以示萬世公言哲宗發問不過兩言而當時賢臣其喜如此以此知帝王之學要在發問上曰問則明不問徒然無益於事又讀至上官均言好學好問公言人主豈可不好問不好問則群臣之邪

正政事之得失必不能盡知說書柴中行亦奏須觀所問之人邪正公言但觀其所言爲已乎爲國乎則和正辨矣上曰若爲一身財是小人又讀至講讀官雜皆有講義中間侍讀獨廢程瑀隨事著明其說公言臣所以每遇進讀必從而敷陳之此乃法程瑀所以事高宗者上曰若只讀一遍何益公之意以爲儒臣進讀當兼之以陳說人主務學當參之以好問故懇懇言之而上亦應答如響啓沃之助於是爲多公德煥洪充以詠養嘗言伊川程公稱明道先生視其色接物如春陽之溫聽其言入人如時雨之潤爲善

形容有德者氣象平居待物粹和之氣可挹至立朝
論事則義形于色凜不可問一時正論賴以宗主而
同列始有側目者矣讐虜番亡聘使屢返非我絕好
彼自內訌公謂歲幣不必與議者以爲當與困默眺
梁屢蹂躪鄙彼自爲寇非我興戎公謂戰守不可弛
而議者以爲當和孜孜獻納有言必盡近臣之職所
當爾也而目曰多事侃侃守正不阿時好平生之節
不可屈也而指爲好名公旬歸至八九上迄不之許
曾三學諸生伏闕上疏斥主和者之非旣而全臺論
列乃併公以罷十二年六月也太學諸生三百餘人
祖餞都門外且賦詩以別公曰乾道變化各正性命
雷雨作解草木甲拆此吾志也以直得名豈其心哉
明年除寶謨閣待制提舉鴻慶宮起知温州辭陞直
學士皆奉祠如初明年春疾大作而神觀精明著述
弗倦或勸公宜少休者公曰吾以此爲筮鑪筮磬不
知其勞也八月庚寅猶竄足近作疾革也醫來必正
衣冠以見癸巳薨于正寢公受知寧皇終始簡記旣
薨之三日寧皇亦弃天下嗚呼痛哉公官自改秩十
二遷爲太中大夫爵自鄞縣男再進爲伯食邑自三
百戶至九百戶今上御極陞顯謨閣學士加秩二等

致仕遺奏聞贈龍圖閣學士光祿大夫官其後如格
賻銀絹皆再百自諸老淪謝天下之士視公出處以
為輕重及是聞者莫不傷盡太學諸生相率為位於
西湖之昭慶寺以哭四方之來奠者其辭皆哀學者
稱公不以爵氏而曰潔齋先生云寶慶三年上有事
南郊以二子登朝贈金紫光祿大夫紹定三年明堂
恩贈開府儀同三司自象山先生闡明大道揭以示
人曰學問之要得其本心而已心之本真未嘗不善
有不善者非其初然也公始遇之都城一見即指本
心洞徹通貫鑿策之言字字切己公神悟心服遂師

事焉研精覃思有所未合不敢自信居一日豁然太
明因筆於書曰以心求道萬別千差通體吾道道不
在他此公自得之實也慈湖楊公與公同師造道亦
同而每稱公之覺為不可及其見諸言論則曰人生
天地間所以超然獨貴於物者以是心爾心者人之
大本也此心存則雖賤而可貴不存則雖貴而可賤
文曰大哉心乎與天地一本精思以得之兢兢以守
之則與天地相似又曰直者天德人所以生也本心
之良未嘗不直回曲繚繞不勝其多端者非本然也
其告君以此其教學者亦以此其之漕江左也公

以言謂中庸曰天地之道可一言而盡也其爲物不貳則其生物不測大雅曰上帝臨女無貳爾心惟此大本不必他求卓然不貳萬善咸具古人所以兢兢業業不敢少懈者惧其貳也至爲作忠宣堂記則曰心本不徧制行而原於心斯不徧矣凡此皆所以推明本心之善也又嘗言道不遠人本心即道知其道之如是循而行之可謂不差矣然未能爲一則猶有間也執柯伐柯睨而視之猶以爲遠謂其未能無間則雖近猶遠爾惟夫全體渾融了無間隔則善之至也又曰吾道一以貫之誅以一貫之也舜由仁義行

非行仁義若致力以行之則猶與仁義爲二也其言益精切矣雖然公非苟知而已也少而任道晚益日力其致遠也萬里之途跬步未至不敢以遂休也其任重也萬鈞之負銖兩弗遠不肯以遽已也閱其量必欲如滄海之溷浸粹其行必欲如璫璣之光潔嘗言人心至神翳之以欲則不神矣故其修身以寡欲爲主勇猛奮勵痛自懲窒又謂人之欲無窮必求所以滿其欲非道而取何所不至養小喪大胥不仁不義之域豈不衰哉晚於所居爲樓名以是亦曰直不高大爾是亦樓也以至山石花木衣服飲食貨財隸

後亦莫不然至於宦情亦薄曰直不高顯爾是亦仕也凡身外之物皆可以寡求而易足惟此身與天地並廣大高明我國有之朝夕磨勵必欲追古人而與俱若徒儕於凡庸而曰是亦人爾則吾所不敢也以此自警且以誨子孫云公自小有志經濟之業每謂爲學當以聖賢自期仕宦當以將相自任故其所講明者由體而用莫不兼綜謂學不足以開物成務則於儒者之職分爲有闕自六藝百家與史氏所記莫不反復細繹而又求師取友以切磋講究之東萊呂成公接中原文獻之正傳公從之游所得益富求嘉

陳公傳良明舊章達世變公與從容考訂細大靡遺其志以扶持世道爲己責然自始學於義利取捨之辨甚嚴嘗讀論語至不義而富且貴於我如浮雲嘒然歎曰士之知所輕重當如是矣辭受進退惟義所在金石弗渝方華臣顛柄天地閉塞徊翔卑冗不以爲辱公道開明群臣拔茹致位禁近不以爲榮惓惓一心惟王室生民是念事有不可陳義固爭蓋將專君重朝而措天下於大寧也道不果行齎志以歿然其所立固已偉然爲萬夫之特矣曾子所謂人以爲已任死而後已孟子居廣居立正位行大道者於公

見之公之事親如天事君亦如云由其本心昭明隨
事著見有一無二親雖沒敬奉遺體舉足不忘無適
而非親也身雖退心在闕庭一飯不啜無適而非君
也於昆弟友愛尤篤弟樵亦事公如嚴師從兄清嗜
學固窮其亡也為歛塋嫁其孤女之未嫁者於宗族
賙貧拯厄備極其至於朋友忠而盡自為幕府事其
長敬以誠及在朝廷每言君相同體愛吾相者所以
愛吾君也故勤勤納忠寧有違拂而不忍蔽欺嘗告
之曰導諛雖可喜未必非賣我之鯁言雖難聽異日
乃真能不負者也公嘗鑒絕人李正節誠之始見于
鄞傾蓋如舊友嘉定初李與丹陽劉君宰偕命召公
謂某曰此二人者皆所謂有所不為者也其後二公
果皆如所許云少而嗜書白首弗厭凡聖賢大訓切
於已者味之終身夜則默誦病亦吟諷講道于家以
諸經論孟大義纂策學者於書禮記論說尤詳其所
成就後學甚衆博觀群藉取其切用者會粹成編謂
法度之言自秦以前乃可矜式故有先秦古書若干
卷謂學士大夫不知兵則武夫悍將得矜所長而緩
急無以應變故有兵畧若干卷謂祖宗成憲為人臣
者所當講究故有皇朝要錄若干卷其辭章根本至

理一言一句皆胸襟流出謂語孟中無難通之辭難
辨字故凡所著不爲奇發刻峭語而溫純條鬯自不
可及晚而好詩嘗賦進德堂諸篇趣味幽遠而於一
卉木之芬馨一羽毛之嗚潔輒寄興焉曰吾之自修
當如是也此豈苟爲賦咏者邪奏議謁然忠誠讀者
感動銘志叙事有史法諸子裒其集若干卷藏于家
公之在宗正也修寧宗玉牒在樞庭修經武要畧先
時修書官類不經意將進則取具臨時公蒞職即悉
力編摩後數歲乃進呈大要多出公筆史院修高宗
寶訓紀錄過詳公刪繁剪浮見謂得體後修孝宗室
訓遂專以屬公退自儀曹坐史館輒終日書垂成而
去而公去議者又欲用司馬溫國公編通鑑故事俾
以書局自隨或言國史出外有禁乃止公娶邊氏進
士友益之女先公二十有一年卒箋贈中國夫人至
性淑行公所爲墓志墓在鄞縣某里某山之原公薨
遂合塋焉某年某月某日也子男四喬某官後若干
年卒肅某官甫某官商某官女四云云孫甥云云始
公嘗言所貴乎世家者非必七葉珥貂如漢金張八
葉宰相如唐蕭氏名位雖崇而不能皆賢荷世之有
若東都之袁楊二氏氣脉聯屬名德俱隆則可謂世

家矣吾之先世雖出處之不侔然皆忠信正直蔚有
賢與其不謂之世家乎後嗣子孫努力奮發不自菲
薄必欲追前人而及之亦足以爲世家矣平居訓勵
諸子率本此意肅首蟬世科甫冠多士公不以自喜
至其德業有進與當有可紀則爲加飯故士大夫言
家法者必袁氏爲稱首云某之與肅同年進士也眡
公寔丈人行而於其德學則願師焉嘉定中耳同朝
不鄙其愚以爲可教故於嘉言善行多所親覲歲在
甲戌持節去朝辱公訪別于南山佛舍語及國

於流涕公之盛心昭揭天日至今猶赫赫也公之壘慈

○直西山文集卷之四十七

廿四

湖揚公寔爲之銘於公大節摩寫盡矣顧其媿微委
折有未備者維公粹學偉行爲時儒宗忠言至計有
補宗社而爵命品秩又已應易銘之典肅等將有請
焉謂某盍爲之狀慨念鱗音詎不得辭雖筆研蕪廢
猥釀是慚然不溢美不失實尚庶幾公平昔之志謹
狀

司農鄉湖廣總領廖公行狀

公諱體仁字元善姓詹氏其先光州始人十八世

祖遷於建之武夷自公之父授室浦氏遂占數

焉曾祖澤民祖僕不仕父皓弱冠有異舉第一

與五峯胡先生屏山劉先生游相好也晚始得官爲
贛州信豐尉虜亮虧邊丞相張忠獻公開幕府辟以
從論兵事多開納以公贈朝奉大夫公幼出爲伯舅
後年二十一中進士乙科大夫沒于京師護柩旋葬
過時而哀不忘又持張氏祖塋三年經紀其家教仲
舅以學鄉閭浩然歸重調饒州浮梁尉獲盜如律郡
欲上功非其志弗就也爲湖州歸安丞摧姦抑強貧
弱得職又持張氏祖母喪服除爲泉州晉江丞程尚
書大昌司馬侍郎及相繼爲守尤賞異待以賓客禮
郡有疑獄必諮焉公氣和色溫持論根本志恕二公常

敬聽梁丞相其郡人也雅知公會入相薦公于上前
召除大學錄再歲遷博士時學官皆天下選公周旋
其間最久而成作人材亦最多除太常博士時方定
高宗廟謚或執堯宗之議堅甚公言中興之德莫盛
於高宗高宗今以堯宗謚非惟於古今傳亡據且使大
行不得以中興之功自顯於萬世此禮官罪也議遂
決遷丞攝郎金部光宗初輪對百官公具考覈財賦
源流以對大臣以省濫負裁冗食節浮費等事始於
朝廷達於州縣具爲綱條品目使可舉行而勿爲浮
議所沮要在本之以王誠惻怛行之以公平簡易守

之以堅確悠久使死而物論不駭事定而人心不
搖庶幾制度既立則用日豐有詔令戶部稽考以聞
提舉浙西常平公謂浙右之有漕渠非止通餽運資
國信往來而已蘇秀常潤田之高仰者實賴之於是
開漕渠濬練湖置斗門爲旱涉備又以餘力立舉子
倉朔安濟院所活不可勝紀散鹽本錢數萬以紓亭
戶之力歲終醴利倍增除左曹郎湖廣總領始至激
勵將帥使知朝廷懇湖廣楮幣視京券爲輕軍民患
之日久公捐貨泉百萬以權其直輕重始均明年就
除司農少卿江上諸屯多貧匱公擇其累衆者增給

餐錢不請益於朝而用度足藏粟歲久至陳陳相因
不可食公命餼其腐投之江且廣糴以補其乏異時
諸郡之隸總所者賦輸或不以時符移督償銖髮不
貸公曰郡亡從出必取諸民今幸蓄積有餘不至乏
興弛以予民可也爲條奏蠲其負凡百餘萬而諸郡
財力始寬武昌瀕江多水災公與諸司同築萬金堤
以防其溢人謂公儒者爲政知濯瘼飫飢而已逃卒
千人入大冶因鐵鑄錢亂幣法剽掠爲變公語戎帥
宜速討曰此去京師千餘里上請須報賊勢張矣於
是群黨亟壞人始服公制變爲不可及越歲召歸班

至則除太常少卿陞對首陳父子至恩之說以感動
上意其畧謂易於家人之後次之以睽睽之上九曰
見豕負塗賦一車先張之弧後說之弧匪寇婚媾往
遇雨則吉夫疑極而惑凡所見者皆以爲寇而不知
實其親也孔子釋之曰遇雨則吉群疑亡也蓋人倫
天理有間隔而無斷絕方其未通也堙鬱煩憤若不
可以終日及其醒然而悟泮然而釋如遇雨焉何其
和悅而條暢也伏惟陛下神心昭融聖度恢豁凡厥
疑情一朝渙然若揭日月而開雲霧茂見皇極不叙
彛倫以承兩宮之歡以塞兆民之望天下幸甚孝宗

真西山文集卷之四十一

廿七

既上仙公帥同列抗疏請警蹕過重華親臨大祥之
祭辭意尤懇懇時有欲以正宗爲大行謚者公言壽
皇聖帝以旁枝入繼事德壽二十餘年極天下之養
諒陰三年不御常服漢唐以來未之有宜謚曰孝公
深於禮故前後定兩朝廟謚異論莫能奪議者歸之
阜陵將覆土公爭以爲地勢卑不足以妥神靈時宰
故知公及是議不合除太府卿尋直龍圖閣知福州
擁節旄過家人絕其寵物繁而俗本易治前二千石
長樂地用刑過差民慘不樂公至盡解苛嫉物情便安浮圖
之宮甲於東南命僧率有常直公曰是賄賂公行也

乃命各從公舉而境內始亡債僧推廣社舍法以振
業窮民以揀溺子之弊條約甚備後莫能易居亡何
言者及前山陵事罷郡屏居者八年時論紛紛處之
澹如也徙居雪川醜飲圖史人莫窺其際時有起胥
史爲大官氣燄熏轅掃門祈福者踵相踵公使浙右
時實常爲公役至是多方鉤致公公曰小人乘君子
之器禍敗亡日矣胡得以汙我其後果如公言復龍
圖知靜江府春行視農見田器薄小不足以盡地方
乃爲詢訪簡易之法物別爲圖授之又爲浚井導泉
以便行旅嶺外民貧財匱公撙節浮虛爲闔十縣稅
錢一萬四千蠲雜賦朱膠等錢八千昭桂折布自建
炎以來爲民患公建請蠲免而二州民力始蘇占城
真臘相攻餘兵亦入瓊管公調兵且招而海道寧移
守鄂州州兵民雜居多強梗不奉法公治尚寬至是
易之以嚴曰此變通之術也除司農卿復總餉事十
懷舊恩鼓舞迎拜歲比弗登民艱食公曰民病若此
可以非職而弗恤乎乃先便宜賑而后以聞邊警日
急小夫儉人爭承間抵掌言用兵希用事者意公奏
記廟堂具言兵不可輕動請遵養以俟時皇甫斌自
以世將家好大言公間語同列謂其事必敗事移屯

襄陽軍行亡紀律公指謂人此何異綠林下江之流
已而果敗公之先識類如此俄屬疾以開禧二年二
月二十二日終年六十四公天姿超邁志守卓然自
擢第歸仰從故侍講朱先生游講質疑義其學以存
誠謹獨為主造次弗渝管患世儒論經多失本指曰
惟皇上帝降衷于下民若有常性克緩厥猷惟后此
即天命之謂性率性之謂道修道之謂教也人能知
此則知觀書之要而無穿鑿之患矣博覽群書自天
文地理卜筮醫藥百氏雜說靡不通於渾儀漏刻俱
耳親製以測驗皆合趙渙造新曆以獻公爲作序中

今真西山文集卷之四十七

廿九

書舍人黃公榮一見嗟異因以定交著象數總義一

卷曆學啓蒙 卷莊子解五卷爲文若不經意而明

白皂達根於理致雕鏤剝剔之語一不出諸口神識
恬暢喜論說古今遇佳士良友窮日夜語不厭聽者
志疲居朝廷好盡言或議論盤錯衆相視莫敢先入
彈爲辯折是非成敗無所諱亦以是賈憎於人惟一
時賢俊氣合道同者常推敬周丞相當國公疏納如
名士三十六人周丞相不能用已而多所收擢公之
力也紹熙甲寅趙丞相將定大策外廷無預議者獨
譙公與左司郎中徐誼達意少保吳玕請憲聖禹善

爲援立聖明之地其爲諸賢倚重如此然公立朝自信所學於辭受出處之際尤不苟故雖任再登朝而位不過鄉列所韞未究卒抱其志以終可勝惜哉公既歿而召至或謂公而不死必嚮用矣嗚呼考公平生出處火致當衆賢用事時猶不能少貶以求合其能自諛於權門翕赫之日乎事無巨細有不合於必爭其能無言於弄兵首禍之日乎使公而不死即即召至而能不辭也哉

西山先生真文忠公文集卷第四十八

青詞

江東祈雨青詞

嘉定乙亥五月

旱魃爲虐將貽卒歲之憂昊天曰明顧軫斯民之苦
敬憑法醮冀達危誠竊念江東實連淮甸開禧兵釁
流徙最多嘉定年飢死亡相踵屬者豐穰之屢應居
然凋瘵之未瘳迺自暮春以來久愆時雨之潤川源
斷港阡陌揚塵宿麥既枯將奚續食新秧未毓敢望
收成靜言鑿氣之傷和端自微臣之夫政凡有蕩咎
宜加不肖之軀忍使生靈重罹莫大之厄惟妙造幹
旋之甚易幸至仁務憫之亟施沛然三日之霖救滋
一道之命控忱以告得請是期

茅山祈雨青詞

五月不雨益深亢旱之虞百姓何辜將失有秋之望
敢殫危悃仰籲穹旻伏以大江之東民生素瘠開禧
而後天變荐臻旱蝗饑饉者四三年餓筭流離者千
高明之專祐獲豐稔之相仍然田疇蕪廢之
而倉廩蓋藏之甚寡故雖樂歲猶或咨嗟脫遇
奚振救公私共患寢食靡遑用蕝敬於名山
上帝殄除妖魃丕降甘霖吏之不良固難

民焉可憫願坐彼於至仁溼懇興辭鞠躬

中元水府祈雨青詞

是廬誰非望雨救民無術惟有呼天載念常賜
菑莫如茲歲之酷自春徂夏甘霖未浹者累旬由
江暨淮赤地始踰於千里種植之工盡廢螟蝗之孽
將興井無可汲之泉粟有驟騰之價皇矣上帝本垂
溥博之恩今此下民將綏困窮之極願回哀愍海賜
滂沱以全大造覆育之功以拯群生朝夕之命茲爲
忱禱尚冀矜從

母疾愈醮謝青詞

直西史集卷之四十八

莫親乎母實爲命以相依蓋高者天惟盡誠而可動
此迎慈壺就養公庭屬當垂暮之年偶得瀕危之疾
呼醫未效舉室如狂一心慚造化之番仁百拜望星
辰而致禱願損臣身之筭以延母氏之齡鑪熏之燼
未消囊藥之功已應豈繁人力甕荷神庥是用祇命
羽流肅陳寶醮以謝再生之造以祈方至之祥曰壽
曰康期亦饗春秋之求爰清爰靜當愈處香火之修

立冬日祈禳青詞

十月七日也至十七夜
有紫微垣宮室之慶

民生多艱莫如所部歲事不稔未有今年始則烈日
畝焚欲穫而莫可繼則飛蝗荐食雖種而亦空于今
田野之間已多溝壑之瘠張頌符喃蓋尚餘數月之
期發稟勤分未足延一旦之命惟冀上天之仁愛俯
矜下土之困窮方冬而賜積雪之祥及春而佈其霖
之澤使小大之麥旣秀且蕃而高下之田及時以懇
至於掃除疫癘之氣湯滅蠱螟之妖悉賴至仁密回
洪造庶幾有衆咸獲更生臣猥以駑材繆將隆指自
慚無術可救元元之番獨有誠期動高高之聽

丙子立春日設醮爲母祈福青詞

真西山先生集卷之四十八

三

天下之樂莫如以祿而及親人子之情尤敬其親之
難老敢瀝由衷之懇冒干造物之仁伏念臣母吳氏
某早歷艱勤晚罹暴養郊堙覃滯被恩命者再三歲
曆推移候春秋之七十粗獲康寧之喜悉由覆壽之
恩今者令佈勾芒日逢甲子當萬景泰通之會肇兩
儀發育之功惟盛德之主生質從茲始為慈而祈福
宜在斯時載演冲科肅迓真馭何冀昭昭臨下之鑒
俯矜區區念母之誠仰壽而昌長享承顏之奉及人
之老敢忘錫類之心

上元節設醮青詞

六谷相乘雖陰陽之定數一民失所豈天地之本心
屬者早曠之餘繼以蝨頭之孽無廢不耕者凡數千
里困窮無告者逾百萬人公私之力易殫振恤之恩
難徧難高穹之悔禍戾令有眾之更生今者四序闔
端三微肇始磬一心而歸敬為百姓以致祈曰雨曰
暘冀均調而不悖我黍我稷俾種植以及時麥秋全
載獲之功蠶月有倍收之喜其於造化不費咄嗟嗟
吸之功而彼生靈獲免饑孳流亡之苦茲下愚之至
望亦上聖之樂聞敢瀝忱誠願回昭鑒

丙子芒種謝麥穰蝗青詞

真西文集卷之四十八

四

伏以宿麥登場方欣續食遺蝗出土復慮挺蓄蓋當
公私赤立之除豈堪飢饉存臻之苦幸帝命以來牟
之錫俾民生均一飽之歡所期播植之是時度保豐
穰之可望儻螟螣蟲賊或遂蕃滋則黍稷稻粱皆將
殄瘁此有衆所以驚呼而相弔而微臣所以恐懼而
靡惶顧人力驅撲之甚難惟天意轉旋之孔易願回
大造申勅群靈不降其霖坐底驕陽之伏秉畀炎火
永無遺育之存瀝懇投誠鞠躬請命

六乙醮祈雨青詞

八政所重食最為先一歲不登民猶告苦况新罹於

大歎成共後於小康豈虞七八月之間復有方千里
之旱山川之雲欲合膚寸即離溝澮之水雖盈斯須
已竭穰將成者稿白苗方秀者萎黃詎堪凋瘵之餘游
失豐穰之望私室之蓋藏甚寡曷保生全公家之儲
侍又空將奚賑卹夙宵在念震懼靡惶非仰祈高穹
覆憐之恩殆立見饑孳流離之禍散陳寶醮附按冲
科瞻紫微太乙以輸誠爲赤子黎元而請命願敷潤
澤亟起焦枯以昭善救之仁以解倒垂之厄

太乙醮祈雨青詞

樂歲可期遽罹七月之旱驕陽甚熾俄為三日之霖

真西山文集卷之四十八

五

仰大造之至神與巫生而共戴惟上下之憂莫逾於
艱食而古今之患尤甚於游飢臣猥奉寬條適逢大
歉勝赤子困窮之衆幾至流離賴清朝賑恤之優僅
能全活政需一稔庶保更生而自入新秋久愆甘澤
山川之祠雖徧雲雷之施敬屯一心蘄洪覆之垂仁
百拜望紫垣而致禱精誠甫罄膏澤已敷掃妖魘於
方張起良苗於將播儻非上帝好生之德孰拯下民
阡死之苗敬上剛辰載陳寶醮以謝曲成之賜以祈
終惠之恩曰雨曰暘願常臻於協順有黍有稷俾咸
遂於豐登庶令凋瘵之氓浸躋富壽之域控忱以告

從欲是期

嘉定丙子秋建康旱大田龜折苗且稿死人情相顧皇駭既狩于山川未應遂以後

七月丙戌用道家法黜天乙鍾阜心亭是日淫明陰

翳時有小雨空濛如絲暈撼戶牖皆鳴雨禁止越翼

夜雨稍大風力將怒震撼戶牖皆鳴雨禁止越翼

日丁亥晴色愈熾夜邀天文生范其姓者相與仰觀

星漢范曰月行度太高雨未可冀也丙夜具衣冠望

紫微垣齋栗百拜以祈戊子夙興星斗爛然至暮雲

氣益薄亡蠶毫蒸潤意晚上香宣詞磬折神位前默

禱良久退即齋炷休候兵忽跟踏來告雨作矣起

視簷間瀟瀟如噴玉熙羅乘雨以歸叩鼓後益滂霽

自是頻大雨搗苗復茂歲也秋鳴呼以貫之庸篤

何敢言格天事然惟出明精禋之交一念貫徹誠有

臨獲之誠沒吾身而後已可也自茲云

為母黜星青詞

天覆物以無私福豈容於倖致子為親而有禱情益

出於可憐願垂臨下之仁俯察曲衷之懇伏念臣母

太宜人吳氏某艱勤初載憂患半生祿雖及而年浸

高未極劬勞之報疾常多而安日少每深危懼之懷

北輒日者之言載考星纏之運謂不無於屯否當豫

至於祈禳重以微蹤屬將滿秩計其行役之際必在

祈寒之時道途有風霧之侵舟楫有波濤之險非藉

生成之造曷臻康泰之休今者節紀下元日臨甲子
肅醮儀而薦敬為母氏以控忱冀誠懇之嘿通俾壽
齡之增衍承顏順色永諧定省之歡登高臨深悉兌
顛濟之厄

丁丑上元設醮青詞

時已改除泉州未離江左

伏以天為群物之祖本覆育以無私春者四時之光
乃發生之自始故為民而致請冀錫福之惟均惟江
左之承平素稱饒樂自開禧而至今日浸益瘡痍戶
口耗於兵革之餘財力殫於飢饉之後都會之繁華
未復矧曰陋邦豐穰而愁嘆相聞况乎歎歲臣自叨
將指每極寒心所愧驚材曾篋拊綏之術惟祈洪造
曲垂矜憫之私因歲序之更端肅奏儀而藏敬仰祈
道蔭俯拯民難三登曰太平盡銷水毀木飢之沴百
樂生治國漸還家給人足之風

泉州入宅青詞

直西山文集卷之四十八

七

伏以便鄉假守叨被君恩將母之官獲修子職敢碑
微悃僭竇至仁伏念臣本以蠢愚曾微能解平生行
已不敢為持祿干進之謀一念通天粗知以濟物及
人為事甬上江孺之節更分海上之符昔者稔聞號
稱饒樂之地今焉寢異頗多窮悴之昨當入境之云
初已炷香而自誓願堅潔白公勤之標一洗貪婪媮
惰之風丹衷甚明白日照然而身健始能任職家
安乃可憂人爰即公庭載陳法醮仰祈赫赫之鑒俯
察區區之誠錫慈母以壽康俾盡門之安吉庶幾不

肯盡忘內顧之虞當竭菲才一惟民隱必有臨在上
此志敢渝

太乙醮青詞

長人是職實深悃雨之懷銷變無方但切籲天之懇
敬憑法醮祇控忱辭言念溫稜乏可耕之壞雖當樂
歲尚多艱食之民况自頃年以來游羅積滂之患公
私共困愁嘆相望臣猥以菲材甫茲假守志期阜俗
方勉效於撫摩政篋召和乃遽愆於潤澤夙宵自省
震食靡寧雖甘霖之屢沾而大田之猶稿肆消良日
載演冲科瞻紫微太乙以輸誠為赤子黎元而請命
真西山文集卷之四十八

仰祈聖造俯鑒愚衷惟望歲所以望霖惟憂民所以
憂旱赦其煩賣賜以矜憐兩施雲行願亟臻於溥洽
家給人足庶共樂於和平

天慶觀祈雨青詞

臨民而思裕民莫急豐稔之願得雨而復望雨實由
真切之誠輒貢忱辭偕于洪造伏念臣猥叨誤渥擢
守便州初無善政以慰群情但有過舉以傷和氣故
於蒞事之始即致亢陽之苗朝夕省愆始如焚灼雲
霓在望何啻渴飢亟蒙覆物之仁沛降及時之澤平
壤已開於沾洽高田猶慮於隻灶爰即真宮敬陳法

醴冀垂矜憫更賜滂沱百谷用成迄遂有年之喜庶
民乃粒免貽艱食之憂

謝雨青詞

伏以累旬苦旱寔深歲事之憂一雨通霄均被神功
之施以欣以感且謝且祈伏念臣本乏技能繆司牧
養自漸批政致盤陰陽之和屢罄精誠冀回夫地之
鑒仰蒙赦宥俯賜矜憐觸石興雲俄陰威之亟變隨
風入夜倏膏液之潛膏少寬艱食之虞允荷大生之
德然而旱乾既久潤澤未深成始成終政有祈於妙
造載沾載足願更賜於甘霖諒惟覆育之仁何愛呵
噓之力

真西山文集卷之四十八

九

上元設醮青詞

節名錫福敢萌徼福之私職在長民當致爲民之禱
仰祈穹昊俯鑒忱衷切念清源夙稱樂土珍竒畢集
近聯七邑百萬家生聚實蕃遠控重溟數十國粵從
近載頗異前聞稽天之際相仍被災者廣浮海之商
罕至失業浸多臣自玷承流每勤卹隱雖摩撫當禪
於人力然幹旋實賴於化工敬卜剛辰肅陳法醮願
鸞載生成之大造盡除水旱癘疫之災舟楫安行有
風后川祗之助室廬永保無祝融回祿之驚庶令凋

昨復履阜康之樂

爲民祈安設醮青詞

天令或愆馴致札瘥之害民生何辜重罹天闕之傷
念忝旌撫摩殆不勝其憂惻遣醫餽藥常切關心遺
粟散緡曾無虛日雖勉修於人事終未弭於天災是
用虔抒丹誠仰於淵聽以仁救厄願推慈憫之恩變
爲和亟賜嗻呵之力

太夫人誕辰設醮

天覆物以無私固豈容於徼福子爲親而有請庶可
冀於垂仁敢慮一喜一懼之情庸致三沐三熏之禱

真西文集卷之四十八

十

伏念臣母吳氏早罹憂患晚被寵榮烏哺雖勤未報
劬勞之德駒陰甚迅浸驚遲暮之齡顧華髮之蕭然
每丹衷之惕若若屬新元之肇始且誕日之載臨肅
真科虔祈道護增壽祺於有求膺福祉於無疆居
聽甲願鑒惓惓念親之悃舉此加彼敢忘老老及
人之心

捕獲海寇設醮青詞

海邦寧謐忽驚劇寇之侵天道昭明旋告戎功之捷
妖氛頓掃鴻覆何窮伏念臣自玷藩宣每勤綏撫方
欣庶俗共由於安靜之中豈意群兇猝至於防閑之

表聯舟艦幾千人之衆距城圍纔百里之遙亟遣兵
師分屯川陸威聲旣震吉語踵聞首惡當懲用正鯨
鯢之戮脅從可貸忍爲玉石之焚錄非獲助於穹旻
豈易收功於旬浹肆憑法醜祇控謝忱尚祈遺孽之
悉平庶俾後虞之永熄四郊按堵各安耕鑿之餘萬
賈連播如行枕席之上

中元節清源洞設醮

中元令序實惟敷宥之辰上聖至仁不厭爲民之禱
敢因祇謝載控忱辭伏念臣猥以迂愚獲司牧養有
民有社常獨抱於隱憂曰雨曰暘乃幸臻於時若高
下之田咸稔公私之慮少寬豈云昭格之能端自由
成之造肆陳淨醮祇薦微衷尚惟晚種之頗多更賴
化功之垂軫自今以始冀獲屢豐之穰所欲必從敢
辭三瀆之譴

生日青詞

母恩甚大欲報何窮天聰雖高惟誠能動輒抒丹素
儲瀆寧旻伏念臣繇一介之至愚賴二親而有立悲
深陟岵徒追慨於父慈禮謹循陔幸粗諧於母養茲
臨誕日載惕微衷念長有成就以至於今豈保抱携
持可忘所自載陳寶醮祇按冲科華髮高堂願增畀

耆齡之固春憚寸草庶永處子職之共臣無任

清源洞祈雨青詞

歲以稔聞已拜高穹之賜雨弗及時至又聞下土之
咨輒恃至仁敢陳微悃臣聞詩播貽牟之頌史嚴無
麥之書蓋於五穀之中此爲最重必備四時之氣乃
克有成儻垂呂令之期難擬崆峒之熟今者仲冬將
屆嘉澤尚愆未耕者既阻於翻犁已種者又震於集
巷秋收百畝僅醫眼下之瘡夏秀兩岐殆類中流之
楫此而失望誠可深悲仰祈大造之慈俯拯細民之
苦寸雲觸石冀亟示於威神三日爲霖庶均沾於膏
潤控忱以請從欲是祈

直隸文獻卷四十八

十二

清源洞設醮祈雨青詞

愆陽頗甚慮二麥之失時法醮載陳爲三農而致禱
方虔恭而俛命俄霖霖以通宵豈愚誠足以動天孫
聖造存乎濟物然而旱乾頗久既又澗澤未敷下田
雖幸於沾濡高壤尚遲於播植敢辭再瀆海控一忱
沛甘靈以及時願終大賜貽來牟而率育共載洪恩

雲榭祈雨青詞

月紀仲冬宜寒而燠氣臨大雪欲雨而賜繇郡政之
多疵致天行之失序慳忱雖切霈澤尚愆雲宴合而

輒離風漸休而旋作麥苗將槁井汲復艱近而有炎
場之患遠則有札瘥之患惕然朝夕殆若燬焚用漑
懇於高穹冀興憐於下土瑞靈積地非所敢祈其霑
連朝願言過應使有衆安生而可望則以身塞咎而
弗辭稽首投誠鞠恭聽命

清源洞謝雨青詞

冬而禱雨蓋前比之罕聞誠則通天賴至仁之易感
初霽微而潤物旋霏霤以通宵百井泉井溢於旣涸
之後千畦麥秀蒼然將槁之餘儻非上聖之興慈孰
俾下民之蒙澤載沾載足已式慰於群情成始成終

真西山文集卷之四十八

十三

更有祈於法力

太夫人誕辰設醮青詞

天監非遙惟盡誠而可格母恩甚大愧欲報而未能
輒慳愚衷僭干穹聽伏念臣母大恭人吳氏法名早
更憂患晚被恩榮養泊千鍾粗謹清溫之職年逾七
袞實深喜小之懷念非控請於叢霄何以導迎於景
貺惟春令閭端之始肇陽和生物之功祗板理壇宜
揚禳爰仰冀慈仁之造俯垂覆幬之恩俾壽而臧長
享承頤之樂及人之老敢忘錫類之心

安奉離明殿青詞

承流宣化所期庶俗之安消變弭蓄全伏高靈之祐
顧此阜蕃之郡且居炎燠之方每終夜以深思懼融
風之易煽雖人爲當勉已粗謹於隄防而天意難知
冀潛田於溟漠爰即棲直之宇載新執法之宮洎良
日以奉安瀝丹誠而叩懇仰祈妙造大庇函生擊壤
相歡均被簡簡穰穰之祉聚廬託處永無諠譁出出
之譖

東嶽清源洞祈晴青詞

臣聞民之可憫無若良農物之難成莫如嘉穀自始
種而至既穗非膏澤無以滋其生迨番穎而及登場

真西山文集卷四十八之

十四

非烈日無以堅其實惟均節而不忒斯順成而靡虧
越從春夏以來幸適陰陽之叙今歲將大熟而雨則
過多溪壑至於溢流町畦幾於冒沒整然待哺不勝
田野之情壞於番成必非穹旻之意敢抒誠懇虔懇
高靈伏望憫其終歲之勤勞賜以兼旬之明霽百四
九十俾末路之板全甫田之取十千庶豐年之

可必

寺觀設醮謝晴青詞疏語

雨以潤物過乎度則爲蓄天維子民哀其窮而必救
疏云其霖本以潤物過則爲災諸佛切於念民窮則必救比以連陰之沍凜乎害

椽之憂奔走有祈須答如響劃重雲而見白日六合
清新弭駭浪而為安流百川順聽仰至仁之易感載
鴻施以何窮屬當收穫之期不厭晴明之火崇墉新
積願克保於歲功擊壤均懽其敢忘於帝力疏作佛力

寺觀謝晴青詞疏語

嘉穀告登既卜有年之慶連陰不已遽為積潦之苗
不勝朝夕之憂亟扣乾坤之造賴神功之密運疏云不勝

怵迫之情亟扣慈悲之造賴威神之密運

俾零景之遄開波漲平疇昔幾
壞於垂成之頃雲屯高廩今獲全於將失之餘愁嘆

頓舒歡欣相告用是肅陳淨供疏云淨供祇薦微忱曰雨

曰暘願益臻於時若有稷有黍吏期遂於秋成

代料院侏生日設醮青詞

年開八袞迫暮景於西山誠竭一心扣至仁於北極
敢憑法醮庶達愚衷伏念臣竄粟甚庸志念多雜義
利雖嘗早辨而私欲易以移人孝問非不究心而踐
履未能中道越繇近載浸悟昔非仰蒙善貸之恩俯
賜曲成之造無攝生之術而獲晚景之粗安無教子
之方而叨世科之相襲祠館竊罔功之祿郎闈陞同
正之員靖循僥幸之原悉自穹窿之覆肆當誕日肅
按真料至敬經文庸假蘋繁之薦隆慈易感董全莊

櫟之生
運之潛消而餘齡之增衍臣當力圖新
善期補養愆味太上至道之言不忘朝夕踐昔人方
便之戒以訓子孫臣無任

仙遊山謝雨詞

輕生嗜鬪莫如南浦之民足食安居尤切西成之望
嗟亢旱歷時之甚久幸霖入夏之甫均方力穡之
惟勤俄兼旬之不雨平疇雖種恐立致於焦枯高壤
未耕幾盡成於蕪廢惟鄉俗人精之易動殆山川風
氣之使然斗粟之價稍騰奪攘且起百畝之收或失
愁嘆奚堪方共啓於微忱欲抑祈於大造深仁易感
美澤遍敷阡陌相望化龜圻而為膏潤室家胥慶易
復顧而為歡忻爰即仙山肅陳法醮以謝曲成之賜
以勸終惠之恩二氣均調迄底豐登之樂四民咸裕
漸還醇厚之風

仙游山建醮青詞

指湖湘而分閩深愧非材瞻霄極以陳情冀蒙宏覆
伏念某奮由寒賤本極凡庸敢圖坯冶之恩疊冒科
名之寵入聯禁從出奉詔條論功曾幾於鐫銖積累
已逾於丘阜致嬰慘變奄及慈闈念咎畏威惟日震
於謹罰貪榮倖進敬復覬於恩光詎意公朝未忘孤

跡之次對付以名藩茲涓日以戒行敢籲天而控
報川塗云邈况當采刳之期釋載何私願界安全之
幸俾早祗於職守當虔奉於官箴上焉赫赫之皇穹
昭臨孔邇下則巍巍之靈嶽顧盼可瞻誓堅對越之
誠益勵首公之節庶蠲民瘼以答國恩更祈佑善之
仁終成及物之志

潭州上元建醮青詞

三元紀節茲臨錫福之辰十國爲連適際牧民之始
敢殫誠而有禱冀蒙覆以均安伏念臣猥被宸綸叨
分楚服披圖案牒昔雖號於富饒問俗觀風今實多

直西山文集卷四十八

十七

於愁嘆以非材而臨蒞將何道以撫摩方弛擔之云
初已炷鄉而自誓凡躬行之當勉如對神明苟民瘼
之未紓若拯焚溺期少伸於志願以無負於選掄若
兩陽寒燠之以時與水旱札瘥之不作惟化工之是
賴匪人力之可能是用嚴三齋七戒以陳儀爲一道
九州而控請仰覲好生之大德俯矜難保之小民富
有倉箱禪遂西成之樂聲無桴鼓庶寬南顧之憂

湘春堂建醮青詞

藩維寄重懼勝任之惟艱覆載恩深願控誠而有禱
伏念臣甫離憂患遽被恩榮既莫遂於忱辭遂冒當

於隆委自數千里封陲之廣有百萬戶生之蕃林
峒錯居每難帖服營屯列峙可後拊循凡而九郡之
戚休皆是一身之舉厝疚心思治殆寢食之靡違節
用愛人敢圭銖之自奉雖爲仁由已而成功則天仰
祈生育之恩俯賜安全之幸使身無舊疾而家用平
康庶無私慮之牽一惟民隱之卹誓竭公勤之素志
迄成惠利於此方上焉赫赫之皇穹鑒臨孔邇下則
巍巍之靈嶽顧盼可瞻苟畔斯言敢辭于罰

祈雨建醮青詞

職玷撫摩難勝二千石之寄民憂旱暵莫如七八月

真為叟集甲卷

十八

之間敢瀝丹衷冒十洪覆瞻此湖湘之凋瘵異乎江
湖之富饒本乏蓋藏况加科配故雖豐稔猶或嗟咨
或惟一穀之弗登立見群生之告病幸自春而徂夏
蒙賜雨之以時早稻既收晚苗亦茂正需嘉澤庶迄
全功粵繇邇日以來忽苦常暘之沴艱祈雖切感格
未能雲未合而倏離兩方沾而隨止夙宵自省震懼
靡迎即吉旦以陳儀籲高旻而致請願垂矜憫亟解
篋枯當白露之將臨俾茸霖之過應實類實粟遂爲
上熟之年成始成終敢忘大造之力

謝雨建醮青詞

一念在民惟豐穰之是願歷旬不雨則怵惕以靡寧矧自入秋以來幾有常暘之虐遐想溝塍之涸竭不勝肺腑之惓焚輒籲告於九天每凌兢而百拜祇荷穹窿之覆屢垂沾漑之恩觸石興雲變陰成於炎赫隨風入夜回膏潤於焦枯仰戴天慈敢稽醮謝然早暘之期頗久而涵濡之澤未深嘉穀方華正須護養驕陽孔熾豈易堪任冀上帝之好生憫下民之無告載雷載足迄成上熟之年既庶既安侵還近古之俗

生辰醮菁詞

歲月推移復值始生之日夙宵震懼難酬罔極之恩

直西文集卷之四十八

十九

輒露微忱冒塵穹聽伏念臣忝愚寡識樸鈍非材不自意於遭逢迺積叨於榮顯惟覆載生成實乾坤之造而鞠育教誨繫父母之仁惕若省循箴焉稱塞蓋克肖其德然後為弗失其性而不辱其身然後能無忝其親臣之於期固常有意年已幾於知命學猶愧於反躬屬當初度之臨采切愚衷之感劬勞莫報方懷俯仰之慙宴樂是娛敢惟世俗之徇愛假道家之典肆陳法醮之儀備磬精誠冀蒙福祐脩身進德獲為名教之全人尊主庇民相究平生之素志自餘私禮不敢僭

下元節天慶觀建醮青詞

伏以十國爲連濫膺南服之寄三時不害迄遂西成
之功緊庶俗之小康皆至仁之廣被伏念臣蠢愚寡
識撲鈍非材叨九重選擢之榮付一道撫綏之責兵
民兼總既負荷之維艱蠻獠雜居尤服馴之匪易所
期一稔以弭百憂曰雨曰暘荷天慈之昭答有黍有
稷俾歲事之獲全豈微臣感格之能繇大造幹旋之
妙卽下元之令節按太上之冲科以謝殊恩以祈來
貺降福祥於有求銷舊沴於未形三登曰太平常底
豐穰之慶百樂生治國再環淳古之風臣無仁

直西山文集卷之四十八

二十

甲申上元醮青詞

三元紀節茲臨錫福之辰千里分符實任寔生之寄
敢爲民而控請冀蒙覆以均安伏念臣猥奉邦條倏
周歲籥顧慙菲德每深曠敗之虞獨荷至仁倍費生
成之造兩方祈而輒需年幾歉而當盛瑞雲滂降於
嘉平麗景有華於元日仰戴穹窿之範益深祗懼之
誠爰卽公庭載陳法醮冀精忱之昭格獲景貺之端
臻調二氣以孔時寢五兵而弗試視融回祿無煙燄
鬱收之災湘江洞庭無風濤覆溺之害閭里清淨溪
响安寧末路鋒全豈獨守藩之幸憂勞枕奠式寬當

字之憂臣無任

建醮青詞

甲申四月十一日時有白氣出於
鷓鴣野爲兵災之象故致禱焉

職叨作牧慚非守土之材志切爲民爰控籲天之悃
伏念臣猥蒙推擇繆任撫摩幼學壯行但欲寸功之
及物夙興夜寐未嘗一念之謀身每務廣於上恩期
亟還於舊觀而臣材能淺薄智識乖踈雖懷悃俗之
至情愧乏召和之善政里閭憔悴城邑蕭條歲非不
孰而穀價反騰斂非不輕而民財轉乏凜然終日抱
此百憂况陰陽或舛於運行而災沴間形於兆朕直
忍

真西山文集卷之四十八

十一

切 上

皆繇不德其敢自文惟仰懇於上穹冀垂憐於

下土誕錫和平之福潛銷變故之虞雨暘寒燠之以
時迄臻大稔旱疾戡兵之不作咸遂小康第令民命
之獲全何異臣身之蒙施臣無任

祈雨建醮青詞

為政而且於人媿乏召和之術不雨而至斯極敢忘
省咎之誠瀝血書詞鞠恭請命伏念臣猥慚迂陋繆
任藩宣明不足以察物情惠不足以蘇民瘼歎愁怨
恨豈無隱伏而未知寒燠雨暘致使運行之或
今之旱職此之繇已悔舉於祈

臣之臯有衆何辜况難安者田里之生而易動者湖
湘之俗縱令豐稔循費撫綏脫或饑荒將奚拯拯
然億萬姓之命繫此一二日之間不勝疾首而痛心
殆甚履冰而蹈火仰斬大造俯鑒危衷霽甘霖於久
亢之餘活嘉穀於垂成之際庶幾赤子獲逃溝壑之
舊願以微軀獨被雷霆之譴

青詞

甲申六月二十一日天慶觀

旱方千里繇繆政之傷和哀籲九天爲黎元而請命
載念湖湘之凋瘵憂殊江浙之富饑頻年皆稔則昨
俗粗安一日告饑則事變雜出在昔固嘗深病於今

真西山文集卷之四十八

廿二

尤可隱憂蓋當糴貴之餘正切食新之望憊矣日鈞
之重負日冀息有惻然一葉之漏舟共期脫險儻或
乖於所擬復何恃以自存每殫朝夕之思不知涕泗
之集敢載陳於法醮用備列於危衷仰祈穹昊之仁
亟拯生靈之厄敕群龍而並起霈一雨以滂流遂作
甘霖盡活嘉穀若微臣之有辜豈顯罰之敢辭鐫爵
秩而削年齡悉惟大造之命全妻孥而安隴畝願保
細民之生臣無任

太一醮青詞

恭以元旱爲災嗟赫赫炎官之虐至仁可懇仰煌煌

紫極之尊嚴三齋七戒以投誠爲百姓群黎而請命
伏念臣受材至陋竊寵過優雖存濟物之心愧乏召
和之政當祝融之用事俄妖魃之肆行不勝朝夕之
憂深念公私之計平準之儲甚乏况已空賑糶之餘
大家之積幾何復告竭勸分之後欲脫窮民於久困
惟斷新穀之倍登殆猶痼疾之思痊更甚縲囚之俟
赦左餐右粥望或失於垂成寒耕熱耘功遂爲於徒
費既絕可生之路是擠必死之塗雖下吏之愆尤有
以召此豈上天之仁愛忍使致斯肅寶醮以陳儀瞻
璿霄而瀝懇或生靈有過幸務宥其愚宜或分野當
災勾密回於造化倏起寸雲之蔭霈爲三日之霖盡
活枯苗迄成豐歲度幾鴻鴈之衆各保安居願以蟻
蟻之身獨當顯罰臣無任

南嶽正殿建醮青詞

清朝假寵濫司十國之連繆政干和致貽千里之旱
敢抒丹懇仰冒蒼旻瞻足湘刻實維楚服厭壤小腴
而多瘠其民易動而難安年雖萋登尚虞佩犢之警
歲或小歉立有狼顧之憂粵繇季夏以來忽若常賜
之沴近則長沙沅陽之境遠則零陵瀟水之間綿數
郡之相望越累旬而不雨風宵自省寢食靡違此雖

潤澤之數霑尚慮邇遐之未徧載瞻喬嶽密接層雲
既雲氣之所藏且神靈之所宅爰即祠庭之邃就醜
醜席之嚴冀赫監之下臨獲精誠之上達祝融天柱
變陰霽於頃臯屏翳豐隆奉神威而奔走俾列城之
均泆庶一稔之可期昨俗相安無匹夫之弗獲牧臣
有臯豈顯罰之敢辭臣無任

太一醜謝雨青詞

六月廿七日醜七月初二日夜占家許秋前
賜雨初八初九皆大雨中元謝且祈十八十
九雨廿
四日雨

寶璫將成俄苦倏焚之虐璇穹非遠輒殫哀籲之誠

五西山文集卷之四十八

廿四

既需澤之維時敢消辰而控謝伏念臣自罹亢旱每
極隱憂齋居幾及於五旬露奏豈惟於三竇蓋荆楚
荒涼之有素而里閭貧悴之孔多職在長人當任牛
羊之芻牧志期阜俗忍令鴻鴈之流離故切切於禱
祈殆皇皇如饑渴洪慈垂憫密回造化之機膏潤應
期大慰雲霓之望粟直爲之漫滅物情賴以少紓適
中元令薦之來臨舉太一冲科而載演豈曰仰醴於
大造所期游瀝於微采惟昨庶之來陳與官僚之婦
報雨或多而或寡未遂均霑苗有秀而有枯尚虞難
保更冀茸霖之相續度幾晚稼之獲全以終上帝好

生之仁以揀下民垂絕之命敢伸虔請願賜恩憐於
立秋處暑之間亟臻渥洽俾衡嶽湘江之境共樂豐
登

南嶽青詞

旱太甚以如焚備罄禱祈之愀天不言而善應迄番
沾勺之仁仰戴隆恩敢忘祇謝伏念臣猥繇推擇繆
任撫綏旣分閭外之顧憂常軫民間之休戚顧慙舛
政上于二氣之和馴致常賜幾遍三湘之境極夙宵
而省咎如疾疫之在躬誕即靈宮肅陳醮席為列城
而請命賴洪覆之垂休自入孟秋以來屢沾時雨之
潤苗將枯而復茂粟方貴而漫平雖遐邇不同或有
全虧之地然盈虛相補尚饑下熟之年旣荷殊恩敢
祈終惠蓋頃屬憐憫之際嘗嘿思賑卹之宜欲殫一
已之勞期建百年之利必也豐穰之不失庶乎規畫
之可行冀皇天后土之有臨亟成微志俾赤子黎元
之得所盡出洪鈞臣無任

天慶青詞

旱太甚以如焚備罄祈禱之懇天雖高而聽下迄成
沾勺之恩仰戴隆慈敢忘祇謝伏念長沙之境越遜
季夏以來蓋愆亢者久之亦隳瘳之極矣臣恭任

靈之寄不勝朝夕之憂婁控懇於穹旻遂獲臻於
潤始焉不雨所以示儆戒之威終則有秋又以昭仁
愛之意仰化工之至妙訢民命之獲全顧已幸於蒙
休尚有慚於終惠蓋頃屬歌祥之際嘗嘿思惠養之
宜在其闡闡則欲倣張詠賑民之法若時郊野則欲
遵朱熹置廩之規不辭一己之勞期建百年之利必
也豐穰之不失庶乎規畫之可行冀皇天后土之有
臨亟成微志俾赤子黎元之得所盡出洪鈞

生日建醮青詞

甲申

年幾五袞嗟老景之易侵身在三湘倏誕辰之載值

真西山文集卷之四十八

廿六

當常情冥樂之日實微生悲痛之時敢瀝丹誠仰千

穹

覆伏

念臣猥繇庸情積有澆逾每蚤夜以兢兢殆淵冰

之凜凜念天地賦臣以此性必盡性然後無慙而父

母生臣之此身在立身豈容有愧顧年齡之漫迫迺

德業之未克旣莫報於劬勞詎能安於戴履屬當初

度尤惕愚衷爰仰叨於高旻冀俯矜於末路俾自今

而攸往凡有志以必成居無疾恙之侵動寡悔尤之

累操修合道粗無慊於前賢功利及人不虛生於斯

世

黃籙正醮青詞

乙酉三月自長沙
歸西山未赴召命

涓辰歲事有嚴金籙之科竭地投誠冀徹璇霄之聽
伏念臣曩罹艱棘復值災連嘗於壬午之春誕即西
山之麓肅陳法醮哀籲高靈用追福於慈親且祈安
於私室仰蒙道蔭密佑孤踪兩載于藩旣兵民之胥
悅一門被澤復子姪之均沾除書荐下於昕庭愍冊
增光於幽室竊省僥踰之幸悉繇稊載之恩獨暫還
蓬華之君用敬修蘋藻之薦瀝肺腑而有禱冀穹旻
之垂仁國步方艱願亟臻於綏靖聖圖有永期益底
於延洪忠賢進而公道顯行德政脩而人心順聽邊
疆寧謐海寓清夷但令斯世之樂安時乃微臣之至
願干名慕利敢爲私已之謀尊德在民漸遂平生之
志尚惟妙造賜以曲成臣當勉竭丹衷力行素學夙
宵一念常如上帝之臨夷登百爲悉賴神明之助

西山設醮青詞 乙酉自禮部奉詞

入參侍從莫禪訪落之謀歸返田廬甫遂退休之志
敢攄誠懇僭擯穹旻伏念臣器識凡庸行能淺薄鶴
龍飛之有作叨駟召之最先累疏辭榮旣難回於成
命一忱思報其敢徇於私謀肆當奏對之初首陳狂
瞽之論主上嘉其忠讜許即施行臺臣指其臆愆匈
如鑄斥迄從寬典仍假龍章凡微蹤獲保於安全皆

洪覆曲垂於庇佑方息肩於弛擔正思過以杜門
冀慈仁密回大造俾臣身無災疾家用平康早窺至
造之精微盡滌平生之疵吝危機弗作姑容安跡於
山林拙守難移終願酬知於君父

西山再醮青詞 乙酉

星躔密運固定數之莫移天道至仁惟微誠之可歸
輒控凌兢之悃仰祈覆育之恩伏念臣賦性顛蒙衷
心慙拙平生行已但求無愧於幽明一意愛君其敢
留情於寵利緣憂思之大過致言論之失中上雖亮
其無他衆爭指其有辜皆繇迷繆自取顛躓旣被譴
以來歸每省愆而思改迺厝家之推步謂乾象之加
臨尚攄挺災未能集福凜然終日方恐懼以自修考
之古人尚祈禳之不廢矧惟薄德敢後投誠仰禱大
造之照臨俯鑒微衷之怵惕赦其往咎許以後圖潛
銷坎險之虞誕錫泰亨之吉孤忠直節早見察於朝
廷弱質衰蹤獲自安於林藪

粵山入宅青詞 丙戌九月

蝸廬甫就冀臻居處之安鴻覆無邊輒控生成之禱
伏念臣越自近歲廬于先塋比緣齒髮之日侵每懼
陰嵐之易染平時漫仕未嘗爲豐培糞壘之私一日

投閑安得有營創室廬之力姑徹移於舊宇用補葺於新巢輪馬負馬敢効晉大夫之侈有美矣庶幾衛公子之規雖無百堵之雄幸挹兩山之勝厥維吉壤昇自高穹旣諏日之惟良遂携家而托處潔誠一念祇謝三靈願垂壽載之仁誕錫和平之福杜門省咎早見察於清朝講學脩身獲預聞於至道教子粗傳於忠孝生孫端迓於休祥誓畢此生勤行衆善庶無負聖賢之訓以此酌天地之恩

母夫人祈壽青詞

高堂華髮將臨誕育之辰寤髮冲科預控壽昌之禱

真西山文集卷之四十八

廿九

凌兢望賜俯伏陳詞伏念臣母大恭人吳氏某蚤歷艱勤脫膺榮養七十春而後四實惟喜懼之年九五福之備全正賴生成之造敬洎元日祇扣高真冀延耆艾之齡永享清溫之奉昭昭在上願不靳於垂慈
老老及人詎敢忘於錫類

保安設醮青詞

君官無補懼獲譴於幽明赦過有祈敢投誠於穹昊伏念臣猥慚愚劣積冒清華雖戒謹自將粗守不欺之節然操持或矣豈無可錄之愆竊自省循每深震惕惟上聖以好生為德而中元乃宥罪之辰肅設醮

從教陳忱禱冀蒙覆護俾宦憂虞上奉親慈願延
壽下將孥指均遂燕寧但無非意之災即是殊常之
福自餘僭惘不敢妄陳

春祈設醮青詞

春者四時之首實肇化工食為八政之先最關民命
即殊庭而薦事控忱懇以致祈三登曰太平願格豐
穰之應百樂生治國漸遷熙洽之風

中元節祈安設醮青詞

伏以謏材無取誤分千里之符善最未聞幸畢二年
之戍獲全狐跡端藉鴻私伏念臣本乏吏能繆膺郡
寄雖清白一節粗無愧於幽明然勤勞百為終自慙
於踈拙仰賴穹窿之施曲垂覆露之仁兩暘若時歲
以屢稔盜賊屏跡人亦僅安訖遂終更實踰素望是
用肅陳淨醮祇謝高真念受代之非遙將戒行之有
日偏親華髮適當喜懼之年遠役修塗願錫康寧之
祉下至闔門之忙穉均祈洪造之生成但無非意之
虞即是殊常之福自餘僭惘不敢妄陳

黃籙醮青詞

璇霄雖邈惟精誠可以感通金籙載陳於科教至為
嚴重敢于威謹僭露忱詞伏念臣本以蠢愚奮由孤

荷洪造甄陶之厚叨皇家爵秩之榮學雖篤而至
道之未聞德弗充而虛名之徒竊稔成過咎罔自覺
知連年骨肉之捩父凋零已甚一旦庭闈之弃養痛
悼奚堪方朝夕自省於愆尤復父子俱嬰於疾疾凜
洶水而知警懼覆載之莫容敬發冊衷跪陳寶醮果
蒙矜宥垂底痊平直縣再造之恩畀以安全之幸屬
正月始和之際實天官賜福之辰祇演冲科用迎景
貺惟先妣劬勞之未報冀道力以超昇惟全家長穉
之相依丐天慈之曲被更推餘澤併逮含靈俾溥天
率土之間咸安生聚暨泉曲幽禱之下盡釋沉淪茲
上聖好生之本心亦微臣及物之素願控誠以請從
欲是求

太乙醮青詞

遠南陔孝養之樂悵莫報於母恩瞻東極瑞相之尊
願虔依於道力輒瀝哀摧之悃董蒙矜憫之仁伏念
臣亡妣某性稟惠慈行全懿淑事姑盡孝早彰割股
之高風教子成名無愧剪髮之盛節一念惟勤於蠲
善千金不吝於濟人謂宜膺五福之具全迺僅止七
旬之有四攀號靡及荼毒奚堪長夜杳冥恍不知其
如往慈顏恍佛空儼若於生存欲濟援於營魂用便

依於聖造伏望青華注錄黑簿銷名或仍生福德之門或徑列仙直之籍茲為忱禱允賴洪恩更祈寶林蓮座之光普及泉曲艸之識念愚氓之蒙昧或墮沉淪變火翳為清源悉歸超度此上聖好生之大德亦微臣控懇之至情渥猥有祈鞫躬而俟

母夫人愍忌設醮青詞

昊天罔極莫報劬勞之恩春露既濡豈勝怵惕之念惟歲元之不日實母氏之誕辰綵服稱觴記每歲歡娛之雅纒裳捧奠怡于今變故之新鶩華誕之重逢想慈顏之如在茫茫長夜念遄返之無期浩浩蒼穹幸歸投之有路肆陳淨醮迨拔營魂董蒙被於天慈蚤超躋於仙籍載念送終之重無踰治葬之先異夢有開旣類牛眠之兆遠期是卜將營馬鬣之封更祈列真覆幬之仁誕受二氣冲和之正庶幾體魄獲安固於九原仰仰子孫蒙休祥於百世

黃錄十王表

母恩莫報徒切蓼莪之悲聖力無邊輒陳蘋藻之薦載披悃悞虔叩厥聰伏念臣亡妣吳氏性稟惠慈行全懿淑事姑盡孝早彰封股之高風教子成名無愧剪髮之盛節一念惟勤於奉道千金不吝於濟人謂

宜膺五福之具全迺僅止七旬之有四攀號靡及養
毒奚堪長夜杳冥恍不知其如往慈顏彷彿空儼若
於生存欲濟援於營魂用歸依於直宰恭惟十王真
君殿下職司地府德合天心願蠲已往之愆甄錄平
生之善或列仙真之籍或生福德之門仍冀慈仁徧
加凡庶念蠢冥之冒犯致墮沉淪變幽暗爲光明悉
歸超度此列聖好生之本意亦微臣控懇之至情瀝
懇有祈鞠躬以聽

十王表

伏以十真列位雖嚴地府之司一德主生實體天心

之運敢殫忱悃冒瀆威神竊以民本秉彝疇非好善

情因逐物乃至失真皆緣一念之差致墮九幽之苦

業報雖由於自作愚冥實出於無知共惟十王真君

殿下聖德高深神功浩博願垂慈憫俯仰懇祈推上

穹覆育之仁援下土沉淪之衆瓊章寶錄俾乘超度

之緣火醫劍林化作青源之境

仙遊山第一會黃錦醮青詞

天心溥博至仁常軫於黎元道教崇勝會無逾於
黃錄肅殊庭而不蕺整忱悃以有陳竊以下土茫茫
瓊無邊際衆生擾擾多積愆尤或三災八難之縈纏

或六道九幽之輪轉孽雖自作情有可矜儻非祈赦
宥之恩何以度存亡之厄是用即真仙之勝境演太
上之冲科連晝夜以陳儀合幽明而控禱今兩淮荆
蜀之壤兵革方興五嶺劔汀之間疲癯大作凡賦形
之有衆多隕命於無辜深虞變故之未銷以致流行
之浸廣仰斲仁聖俯念生靈敷太極二五之齋潛祛
沴氣轉陽九百六之運遄格不平生者有耕鑿飲食
之安死者無沉滯煩寃之苦匪但此方之蒙福併令
率土之皆春咸賴至真密回妙造兢兢一念不勝對
越之誠赫赫九旻願降高明之監

真西文集四十卷

卅四

太乙救苦天尊青詞

伏以按冲科於黃籙方藏殊因瞻瑞相於青華敬陳
忱悃維下民之賦質皆上帝之降衷繇因物以有遷
致積愆而罔悟一念顛迷之莫返墮八九幽百年歎
樂之幾何受報千劫孽雖由於自作情本出於無知
仰太乙之至仁實群元之司命願垂慈憫俯徇懇祈
現寶林蓮座之光旁通幽隱化火翳劔山之苦同作

清源

西山先生真文忠公文集卷第四十八

